



**REGIONE AUTÒNOMA DE SARDIGNA  
REGIONE AUTONOMA DELLA SARDEGNA**

ASSESSORADU DE S'ISTRUZIONE PÙBLICA, BENES CULTURALES, INFORMATZIONE, ISPETÀCULU E ISPORT  
ASSESSORATO DELLA PUBBLICA ISTRUZIONE, BENI CULTURALI, INFORMAZIONE, SPETTACOLO E SPORT

Direzione Generale dei Beni Culturali, Informazione, Spettacolo e Sport  
Servizio Lingua e Cultura Sarda

**CUBAS 2019**

**Cursos Bàsicos de Limba Sarda**

**Cursu introdutivu – Cursu de aprofundimentu**

**AVISU PÙBLICU**

Sa Regione Autonoma de Sardigna – Assessoradu de s'Istruzione Pùblica, Benes Culturales, Informatzione, Ispetàculu e Isport – Dìretzione Generale de sos Benes Culturales, Informatzione, Ispetàculu e Isport in s'àmbitu de is atividades chi pertocant s'Isportellu linguìsticu regionale

**DAT A ISCHIRE**

chi sunt abertas is iscrizioni a is cursos a indonu de limba sarda: **Cursu introdutivu**; **Cursu de aprofundimentu**. Is cursos programmados ant a èssere n. 2 de n. 40 oras cadaunu e s'ant a fàghere in Casteddu e in Tàtari, in una sea de definire, dae Cabudanni a Mese de idas 2019. Is iscrizioni sunt abertas a totus is chi ant:

- un'edade dae is 18 a is 60 annos;
- una conoschèntzia mìnima, ativa o passiva, de sa limba (Cursu introdutivu);
- una conoschèntzia prus funguda de sa limba, orale e iscrita (Cursu de aprofundimentu).

**Matèrias**

- Limba sarda intre oralidade e iscritura.
- Notziones de ortografia e grammàtica.
- Laboratòriu de iscritura.
- Notziones de legislatzione in matèria de minorias linguìsticas.
- Seminàrios de aprofundimentu.

**Modalidade de acumprimentu e inditos generales**

Is lezioni, pro onni cursu, ant a èssere de n. 4 oras a sa chida, partzidas in n. 2 dies, a merie/sero pro n. 10 chidas in totu.

S'ant a ammittere non prus de n. 40 pessones pro onni cursu in onni sea. Acabadu su cursu, garantende sa presèntzia a su mancu a n. 32 oras, s'at a intregare un'atestadu de frequèntzia.



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

ASSESSORADU DE S'ISTRUZIONE PÚBLICA, BENES CULTURALES, INFORMATZIONE, ISPETÀCULU E ISPORT  
ASSESSORATO DELLA PUBBLICA ISTRUZIONE, BENI CULTURALI, INFORMAZIONE, SPETTACOLO E SPORT

Direzione Generale dei Beni Culturali, Informazione, Spettacolo e Sport  
Servizio Lingua e Cultura Sarda

**A ogni manera si sutalìneat chi leende parte a unu de sos cursos mentovados non si retzit perunu titulu vàlidu cunforma a sa lege pro insinnare sa limba sarda.**

S'incapas is dimandas nche diant barigare su limite de n. 40, ant a èssere is ufizios prepostos a fàghere sa graduatòria cunsiderende sa summa de su puntègiu dadu cunforma is rechisidos in possessu de is candidados:

- èssere istudiante universitàriu, puntos 1;
- èssere insinnante de ruolu o precàriu, puntos 1;
- èssere giornalista professionista o publicista, puntos 1;
- fàghere parte de unu sòtziu o un'ente chi promovet sa cultura e sa limba sarda, puntos 1.

In casu de puntègiu uguale s'at a leare in cunsideru s'òrdine de arribu e, si diat sighire sa paridade, s'at a ammitere su candidadu prus giòvanu.

Si unu candidadu ammitidu diat renunziare, at a intrare su candidadu chi sighit in graduatòria, finas a s'acabu e cunforma a sa disponibilidade logìstica o a àteras esigèntzias pràticu-amministrativas.

Is chi sunt ammitidos a is cursos ant a retzire comunicatzione cun sa posta eletrònica. Pro cussu si pedit s'inditu, cun grafia crara, de unu indiritzu de posta eletrònica ativu. S'amministratzione no est responsàbile de cunsinnas mancadadas pro neghe de comunicatziones menguantes o pagu craras.

#### **Modalidade de imbiu e iscadèntzia**

Sa dimanda de partetzipatzione, cumpilada in onni tretu, cun grafia crara, impitende su mòdulu acapiadu a custu avisu, acumpangiada dae sa còpia de unu documentu de identidade vàlidu, si depet imbiare **intro e non prus tardu de sas 13 de su 4 de cabudanni 2019 sceti pro mèdiu de sa posta eletrònica** (a manera de averiguare data e ora de imbiu) a s'indiritzu: [pi.cultura.sarda@regione.sardegna.it](mailto:pi.cultura.sarda@regione.sardegna.it). Depet èssere chie faghet sa dimanda a si sincherare chi sa R.A.S. apat retzidu sa documentatzione.

**N.B. Non s'ant a ammitere is dimandas de partetzipatzione imbiadas cun sa posta ordinària o cun calesiat àteru mèdiu (nemancu pro telèfono), sena documentu de identidade e/o sena su mòdulu acapiadu a custu avisu.**

Àteras informatzione si podent pedire a s'Isportellu linguìsticu regionale dae is 9.00 a is 13.00 a is nùmeros chi sighint: 070 606 4948/070 606 5067.

**Su Direttore de su Servitziu f.f.**  
Dut.a Maria Laura Corda  
(L.R. 31/1998, art. 30, comma 4)